



COMUNU DE PRAMMAS

Provìntzia de Aristanis

Via Rinascita, 19 – C.A.P. 09090 ☐ 0783/28028 ☐ 0783/28098
C.F. 80006890950 – P.I. 001 0513 095 9

UFÌTZIU DE SU SÌNDIGU

E-mail: sindaco@pec.comune.palmararborea.or.it

ORDINÀNTZIA N. 11 DE SU 05.09.2020
PROT. N. 4392 de su 05.09.2020

OGETU: MESURAS PO CUMBATI E REFRENAI S'ISPAINADURA DE SU VIRUS COVID-19. OBLIGU DE IMPERAI IS MASCAREDDAS IN TOTU SU TERRITÒRIU COMUNALI: IN IN LOGUS ABERTUS, IN IS BUTEGAS E IN IS UFÌTZIU PÙBLICUS.

Premìtiu ca:

- Cun delibera de su 31.01.2020 su Consillu de is Ministrus at decrarau su stadu de emergèntzia po arriscu sanitàriu acapiau a s'ispainadura de su Covid 19. (20A00737);
- S'11 de friarxu 2020 s'OMS at decrarau ca sa maladia dèpia a su 2019-nCoV est nomonada COVID-19 (Corona Virus Disease);
- Cun tzirculari n. 5443 de su 22 friarxu 2020 su Ministeru de sa Saludi at emìtiu dispositzionis cun inditus nous e acaramentus po su chi pertocat s'epidemia de COVID-19.

Marcau ca po cumbati s'ispainadura de su virus covid-19 is ufitzius comunalis ant serrau a su pùblicu;

Pigau a cunsideru ca a movi de lunis 18 de maju est cumentzada sa fasi 2 de sa gestioni de s'emergèntzia Covid-19;

VISTA s'Ordinàntzia n. 27 de su 02.06.2020 pregonada de sa Regioni Autònoma de Sardinnia inui si detzidit de permitiri , movendi de su 03.06.2020 de torrai a aberri is ufitzius a su pùblicu, siat pùblicus siat privaus, stùdius professionalis e servìtzius;

VISTA s'Ordinàntzia de su sindigu n. 7 de su 11.06.2020, chi est vàlida fintzas a su 31.07.2020, chi stabiessit su de torrai a aberri is ufitzius comunalis cun atzessu sceti cun apuntamentu cun su dipendenti interessau;

VISTU su Decretu-Lei 30 de argiolas 2020, n. 83, chi narat “Mesuras urgentis acapiadas a sa scadèntzia de sa decrarazioni de emergèntzia epidemiològica de COVID-19 deliberada su 31 de gennarxu 2020”, inui si pròrrogat su stadu de emergèntzia fintzas a su 15.10.2020;

Cunfirmau ca in custas diis in sa comunidadi de Prammias sunt benius a pillu casus de positividadi a su virus Covid- 19 e duncas est netzessàriu pònniri torra calincunu limiti a s'atzessu a su pùblicu in is ufitzius comunalis po amparai sa saludi de is tzitadinus e de is dipendenti;

ORDINAT

A chinisiat si agatit in su territòriu de Prammias s'òbligu de imperai sa mascaredda in totu is logus abertus, in is atividadis e in is ufitziu pùblicus a totu di; s'ordinàntzia balit fintzas a su 19 de cabudani.

Chini no at a respetai custa ordinàntzia at a èssiri puniu segundu su chi narat sa lei (art. 4 Decretu-Lei 25 de martzu 2020, n. 19), (art. 2 Decretu-Lei 16 de maju 2020, n. 33).

Custa ordinàntzia est apicada a su cuadru pretòriu de s'enti e si ndi donat connoscèntzia a mesu stampa e is su giassu internet de su Comunu de Prammis; contra de custa ordinàntzia est amìtiu ricursu a su Tribunali Amministrativu Regionali intra de 60 diis de sa comunicatzioni o ricursu a su Capu de Istadu , intra de 120 diis.

DISPONIT

Chi custa Ordinàntzia siat trasmìtia:

- a sa Prefetura de Aristanis
- A sa Cuestura de Aristanis
- A sa Stazioni Carabineris de Santa Justa
- A su Cuadru Pretòriu - SEDE



Su Sìndigu

Andrea Pisu Massa